

天真閣集

天真閣外集卷四

詩四

昭文 孫原湘 長真

金堂

初日曛曛上畫梁
珮聲釵影鬱金堂
蘋蘩久誦葩經熟
薑橘親調豆實香
方朔暗窺思割肉
裴航消渴願分漿
此生許作花間客
潛甘奉王褒約數行

松實

新羅松實剖芳鮮
親把朝飢療僊佺
尙帶靈芸香唾溼
定勞鉤弋玉纖妍
小姑卻訝晨膳早
雛婢空猜夙嗜偏
偷遞袖中銀合子
伴伴走過鏡臺前

詠雪

雲母圍屏儼畫圖
一奩秋水照凝酥
未堪仙子藏金屋
如此樓

臺便玉壺髻影泊風尤綽約鞦尖印雪已饒餉笑他癡叔同清
賞解賞因風柳絮無

寒妝

今朝且不繫香纓覆額貂冠襯髮明趙姊丰容燈下好謝孃神
味雪中清泥人更比香鬟嬌隔座終聞畫屨輕笑把手抄詩一
卷問郎堪否號書生

春憾

西風吹月滿高樓樓上珠簾盡下鉤蘭病未蘇梅欲褪二分春
色十分愁

舟中書感

時阻風
暨陽

無數新愁并舊愁暗風吹雨入孤舟寒梅未肯藏金屋清寢先
疑到玉樓花落忽聞天女病珠寒偏值洛妃遊封姨苦把歸期

阻想殺多情是石尤

美人家飲花露飲畢而餘香在盥

瓊漿滴滴入詩喉香氣猶沾碧玉甌恰似鬢邊花落下芬芳常在美人頭

一朵仙霞捧九霄散花天女手親調玉甌本是無情物入骨濃香不肯消

有兩美人見小影而相愛者

松歡柏悅總前因心自相親迹未親我見猶憐何況汝卿如欲下定疑神湘雲湘水原同縷秋月秋河是比鄰認得邢家真國色從來只有尹夫人

瓊花閣春醺

瑤臺縹緲接空冥面面相波作翠屏詩癡一天如雪豔酒花二

月有蘭馨碧雲界斷忘人世紅豆拈來盡性靈風卷玉簫聲緩
緩羣真都在上頭聽

冰盤行炙月輪擎多是芳心結撰成花氣一樓難辨種食單三
日預商名新歌乍學狂何惜罰錢雖寃醉亦輕贏得歸家爭問
訊酒香還似玉梅清

攜眷屬遊山

魚朵輕雲覆綵舩環聲到半空停幽香自雜松花落細語難
兼瀑布聽樵客盡疑仙眷屬侍兒都帶佛精靈豔情證取西來
意螺髻蛾眉一樣青

玉樓供花辭和樓中人韻

摘取晨葩曉瘦中玉樓分插小窗紅人間風雨應無恨天半園
林別有叢頻囑侍兒新水換不嫌供佛淨瓶同暫時收拾薰鑪

起自有香雲護梵宮

名花四座鏡當中映出深紅間淺紅
著水宛如新沐後披香疑入古書叢
餅線放膽春能管燈替傳神夜不同
面面湘簾圍寢住枉他粉蝶效秦宮

玉樓清福

不通融處似通融飛絮游絲撲繡櫳
三月詩情多豔冶一樓春寢太瓊瓏
畧嫌琴脆貪微雨自惜衣香愛逆風
十二膽餅花四面神仙清福坐當中

懷簡人歸寧

月白江空雀一聲美人香纓可曾驚
瑤臺自劃天爲界玉笛空飛雪滿城
春有去時誰定例潮聞來處敢相迎
藐姑只合羅浮宿金屋如何好貯卿

望仙樓上望朝霞
隔斷瑤池阿母家
蛛網有絲縈屋角
鵲巢無
喜報簷牙難將芳訊
通行李未必歸期準
及瓜曾是往時攜手
處綠窗開煞碧桃花

美人病目

寢覺空聞百轉鶯
一簾香霧未分明
詩成只泥同心寫
琴罷偏猜落指生
慢託微波通欵曲
任拋殘局自縱橫
萬花應是羞相見
暫借輕雲障太清

評畫

絕色休從畫裏看
須知落筆繪天難
描摹西子憑凡筆
顛倒明妃在素紈
身到岱峯諸嶽小
花開若木衆星闌
妍媸只把丹青定
何限人間老試官

題蘭絕句

只合離騷一卷書水仙相伴住清虛詩人眼底花如海除卻寒梅盡不知

楚雲旖旎水纏綿生就珠胎玉骨仙昨夜瀟湘明月下意中人恰似卿妍

並船紀事

花光相映並頭船竟有珠聯璧合天一水香交通笑語兩家簾卷見神仙清波照影尤增豔好事無心轉得圓偏是情深偏分淺何時邢尹卻駢肩

春蕪婉仙夫人侍兒也風致婉妙年甫及笄其父將爲擇耦夫人送之以詩余爲繼聲

來是嫣然去黯黯盈盈未是嫁時年鳥猶帶綫方呼熟草亦如花要趁鮮曾學大家羞更好便爲貧婦德須賢遙知此去蘼蘼

下簾繞瑤樓玉鏡前

移巢

翡翠移巢曉出城多情先往等雲英
明知此客來緣我無計教伊得見卿
紆步欲從花逕過迴身圖向畫廊行
芳心苦被王郎覺甘受無端恚怒聲

水嬉同泛

卷起東風雀舫簾戲臨春水照鸕鷀
比肩暗學雙星渡放瞻明欺萬目瞻濃
笑索花頻恃凌清談聞曲轉生嫌延捱
別有消寬計只等船梢上素蟾

心招

蘭堂寂靜裊游絲舉手相招目送辭
事到極歡情轉怯態無纖匿禮猶持
竹聲疑雨驚秋豆花影如雲出窺遲
蹤蹟自忙心自

細教人重整鬢邊枝

小病

小病纔回午汗潮爲誰強起倚疏寮作秋庭院花含怯過雨簾
櫳日放嬌密約縱虛心有蹟深情欲吐語無聊坐來莫恨如天
遠轉眼銀河又昨朝

自持

未須惆悵但聞香脩到香中願已償欲報深恩難著迹每窺微
笑越周防花前苦勸耽詩瘦燈後堅辭被酒狂卻衾窩同寢
外儘拋心力效鴛鴦

不矜風格轉超羣委地湘波拂拂裙逼眼光華花上月蕩心儀
態水中雲任教離間情終合儘意綢繆界自分深感琴心通委
曲自憐無福作文君

偶將謾語抵清狂底事前盟苦索償極婉轉時心自許暫通融
處眼猶防茶甌密度櫻桃味衣釵牢緘荳蔻香傾吐蘭胸豈無
意玉樓何日去梯枕

雨窗

綠梅花下坐卿卿神與梅花一樣清得意事須防失意深情人
肯浪多情心挑祇益羞顏熱脣語還遮妬眼明欲去尙畱畱未
可恰來絲雨灑簾聲

橫波

百巧千靈藕孔多泥人全在兩橫波如愁如喜還如怒媚態三
番一剎那

雙紅豆辭

種出雙株紅豆紅暗將心事卜東風意中人病朝朝減寢裏歡

歸夜夜同翡翠樓高天共遠鴛鴦湖判水難通春愁化作楊花
點半入清波半碧空

去年消息望今年及到今年轉憶前扶病尙因花強出歸寧差
喜事遷延機緣半爲忙中錯滋味都從過後鮮懼笑要期來日
補卻愁追想更茫然

知是藍橋是鵲橋一雙解下佩瓊瑤情同滄海無深淺緣比浮
雲有近遙花縱可攀容易別月雖頻望手難招不如身化玉餘
片分屬江東大小喬

心中眼底與睂頭積得離愁又病愁小玉瘦來眠反側飛瓊歸
去信沉浮緣慳莫要真成玦癡絕難甘枉下鉤每到幽窗閒把
翫團圓一對鍊金瓠

疊箋書恨祇焚灰剪紙酬神枉費財一半聰明知誤用兩無消

息肯傳來漫憑問卜
著歸妹悔不能醫
葯作媒願學維摩行腳
狀替人擔病覓人回

雙珠托出水精盤
欲定高低兩字難
論歲參差原姊妹
比花先後似梅蘭
泥中爾我應三分
林下神情祇一般
對面看來形與影
切休分作尹邢看

喜蛛靈鵲滿簷前
道是佳音卻浪傳
爰罷艾香心愈捧
占殘花信眼徒穿
他鄉未必全無恙
久臥何如各一天
如此思量人易瘦
又愁相見定淒然

人竟歸來病竟除
極尋常事卻疑虛
愁他慈母畱偏強
怨到庸醫術太疎
欲剖素心潛和藥
想呼黃耳妄傳書
從知一面難消受
休說鸞鴦與鰥魚

閒裏尋思太認真
最癡情卻最傷身
挽車陌上誰迎汝
取冷庭

中自有人弱體枉禁風五夜柔腸偏轉日雙輪漢皋明月天台
樹不是今生是夙因

紫袖昭容玉尺溫青綾步障粲花論手抄羅隱江東集心訂韋
皋蜀道婚極恍惚中煙有影最纏綿處寢無痕不妨說與青天
曉卿自憐才我感恩

七夕惆悵辭

天上相思有了時一年一度一佳期人間只有相看分也要迢
迢遠別離

曉晤

畫檐鸚鵡喚人來一扇湘簾自蕩開微露丰容教瞥見熟聞聲
息故驚猜雲舍疎雨頻延佇水遇輕風又折回還恐未曾親切
看玉樓天半重徘徊

借得

借得神仙七寶牀
寢寬先到白雲鄉
鄂君繡被真奇煥
荀令熏爐是異香
花氣襲人如二月
竹聲含雨似三湘
青天定有星辰影
暫宿銀河便渺茫

情詩

一分消瘦一分嬌
玉恙纔聞起昨朝
膏沐脩容還自強
羹湯親手爲誰調
願將郎作鴛鴦繡
曾把花同蛺蝶描
情比博山爐更煥
那須炙盞始寒消

無題

就使樓頭響珮環
娟娟秋影隔銀灣
如今影也無從見
學到雙星夙分難

別有所感

瑤京曾侍阿環旁
熟習雙鬟郭密香
若論風姿真絕似
爭差笑靨要端詳
親煩記曲拈紅豆
巧值移巢過海棠
宛勝相逢在天
上相憐何況是同鄉

新年卽事

中門夜靜不驚厖
魚媵樵青病一雙
卻喜箇人猶健在
小樓燈火自關窗

懨懨春瘦强支持
定累多情百遍思
特向窗中傳數語
要人知道未眠時

憐才

九州四海一傾城
獨感憐才出至情
絳帖願稱詩弟子
紅樓許拜女先生
隔簾遙授簪花格
立雪微聞咏絮聲
佛意仙心多占卻
最慈悲又最聰明

滿樓明月滿樓詩獨賞江東第一枝書罷便誇王逸少吟成定
壓沈仝期擎荷儘有生憐意浮麥終無見麪時空忍兩行知已
淚碧桃花下雨如絲

病起書寄箇人

情到無聊淺愈深暫抽書傳卜佳音古人絕少癡於我舉世誰
能諒此心一自病軀親藥石終虛俊眼盼泥金臨卽配後天緣
改鸞鳳參差直至今

疊韻再寄

自分情無似我深深情除是我知音髮膚以外皆君物眼耳叢
中罄妾心死去定成雙抱水生憐親贈四知金天然守禮矜嚴
甚不爲因循誤到今

眞意

似無關涉似心交一縷輕雲曳柳梢小影常將花供養新詩曾
授札親抄聲名拚爲君微損心力知緣我盡拋只合預脩來世
果玉梅枝上結雙苞

幽懷

集蘭亭序字

慙同幽晤暮陰天坐次因知室又遷言帶一絲蘭氣在情猶九
曲水流然觴脩故事娛生日竹遇春風亦少年會得管夫人靜
致今人殊類古人賢

幽蘭清氣極於斯靜坐春風自得之左右無人初目遇死生相
感在情知一言領悟由當地萬念悲欣集此時形迹雖殊懷可
述托將流水作絃絲

珮聲

珮聲歸自楚雲邊金粟香中拜玉仙畧帶病容尤窈窕每臨高

處更鮮妍九天早遣眉傳語半日懸知眼欲穿偏我來時偏得見不應如此巧因緣

薄遊場羨探張公善卷諸勝舟中書寄粧樓

此間原不是湘湄無奈平生讀楚辭雲雨易猜神女寢煙波多似水仙祠馨香何處吹蘭葉哀怨頻年寫竹枝小別珮聲猶在耳偶拈紅豆又相思

瑤臺縹緲楚雲端翠袖亭亭念客寒宛轉自循梳子佩清虛應減菊花餐預占歸日繡書吉替卜晴天聽葉乾那得紀遊詩百首盡將蹤蹟寫卿看

萼綠

萼綠華來竟體芬絳紗高揭拜宣文詩篇露借薔薇浣衣袖香嫌豆蔻熏皓月不遮雲一點寒梅常帶雪三分才名豔福誰雙

占冷對風前妬此君

從美人家折得桃花一枝歸供膽瓶

折得天台頂上枝爭開已近十分時祇緣來自傾城處頓覺生
成絕世姿物但關情皆可愛事真入手不嫌遲人間多少嬌紅
色不種伊家不耐思

自題筠翠山房

四山流水應宮商風細吹來簾粉香生就幾枝斑竹好被人猜
道是瀟湘

梅語蘭香若箇溫好將紅豆喚山邨美人欲識相思苦但看枝
枝竹上痕

釋猜

休猜青鳥浪傳書久畏仙鞭褻念除豈料懸弓疑未釋便攜團

扇計原疎星盟那忍拋中道雲氣何曾累太虛一朵瓊花天上影定無人采似芙蓉

梅

月落參橫近曉時人間何處寄相思道人自入羅浮寢除卻梅花總不知

昨癡

昨癡冥冥夕照黃清宵歸臥細思量人因顛顚連書瘦曲爲淒迷比語長指水要盟心一片對花親授法三章幾多密誓何由記隳括新詞貯錦囊

水仙

花如梅萼玉爲肌葉似蘭苕翠帶飛若與二花同供養便應猜作古三妃

昔癡

圓紋碧浪小紅槎笑倚東南看日華醉殺九天霞一朵那知人世有桃花

風輪小劫病天魔一枕積雲散髻螺龍樹藥王醫不得手拈紅豆示維摩

手解嬰年舊簪錢勝如條脫贈羊權兩邊小字綢繆印盡鑄鴛鴦萬萬年

湘妃曲

縹緲三湘瑟空靈八月槎碧天無界限秋水是人家奇玉雌雄佩幽蘭姊妹花君山蕩空翠散作洞庭霞

一片瀟湘水春情比我深雲爲神女癡月是美人心睂黛將秋畫衣香弄夕陰三星光豔絕不與夜珠沉

楚雲

楚雲飛破洞庭秋。應是神娥夜出遊。樂府定誇三婦豔。仙家猶帶一生愁。睂如翠羽。天難學。手解明珠。水共流。腸自九迴。湘九曲。通辭何處托橫眸。

題周昉背面美人圖

驚鴻瞥見又逡巡。珠壓腰裙穩稱身。絕似簸錢堂上事。忍羞和笑避生人。

小朵櫻桃折得不。無人窺見綠蛾愁。玉階喚殺紅鸚鵡。不是歡來不轉頭。

臉波藏卻媚霞痕。只露雙肩削玉溫。心自向君身自背。省他一見一消魂。

只量鈿尺認腰支。那有春風見面時。會得李夫人意態。背人翻

是耐人思

妙句青邱最有情
傾城雖見畫難成
詩人設想還癡絕
要看回頭百媚生

不用傳神阿堵中
畫師妙手只空空
累他多少旁觀眼
相背人學崩通

幾時回首眼波橫
枉費千呼萬喚聲
畫裏未容人省識
如何妄想作劉楨

新年紀別

梅花如雪凍簷陰
閣住斜陽不肯沉
顏爲避人溫似玉
語因惜別重於金
暮雲未定緣離合
春水難知分淺深
坐久翻催君速去
帶香和笑已沾襟

有寄

苦被東風柳色催紅窗辜負玉梅開相思寄與清淮水流到長江莫打回

生辰曲

賣水聲喚小窗眠瘦想江南遠似天記得年年今日事並頭花下拜雙仙

鷗波仙館卽蓮臺繡佛爐香燠不灰應有兜羅綿樣手笑持荷葉捧觴來

小阮風情記我家與君同日好年華而今顚顚相如病孤負芙蓉臉際花

更有參軍小妹清藕花生日一齊生無端吹折同心蒂零落紅衣畫不成

寫梅寄箇人

畫梅多畫影姍姍一種蕭疎耐遠看我道至情須領會疎時客
易密時難

澹著胭脂澹掃螺亭亭瘦影照橫波由來絕色人難畫只畫梅
花便當他

也知眼孔小於紗守定西溪當若耶天上縱然花絕代老逋只
解愛梅花

平生空說愛南枝一歲相逢得幾時自拂銀箋寫來看勝如閒
坐苦相思

讀史

心頭眼底一真真料得人間定絕倫讀盡史書佳麗傳何人如
我意中人

自題橫霞仙館

萬樹梅花水一邨春山如瘦月如魄只消一角橫波翠闌住詩
人不出門

四禪天上住人家手札青鸞墜落花收拾紅香到仙枕一生同
癭是朝霞

深恩

一絳輕雲落剪香緘題和淚報王昌並頭私願知難遂束髮深
情誓莫忘綰住同心須不亂祝將恩分愈加長從今添入潘郎
鬢勝捧仙鬟一作夜夜濃芬嗅枕旁

畫簾鸚鵡語呼茶天女親擎一朵霞味美那消添茗葉香清渾
似帶梅花早知郎性涼須忌不避人嫌愛越加我卻貪癡還未
足比卿芳乳畧差些

玉壺春色比花妍纖手親斟與謫仙情到十分如酒滿緣徵百

歲似杯圓爲卿拚死何辭醉知我沉酣屢勸眠餘瀝互攙蓮子
殘分明合登繡床前
百花誰似玉梅妍動是飛仙靜益仙絕色驚看天不老同心癡
望月常圓三年儘愛迴眸愛一夕曾邀恣意憐素女若容緣再
續今宵雙拜桂花前

仲冬十一日紀事

紅入雙顰四體蘇繡幃沉醉不勝扶玉郎悄地潛踪到細看楊
妃美睡圖

絕世

意態濃纖世所稀梅花嫌瘦海棠肥媚生一笑能蘇病秀出雙
眸可療飢髮美儘人分作髡肌香從小罷熏衣衛風借作卿圓
影纔得形相欠入微

閑房左右寂無人偷齧櫻桃一點春事後思量猶錯過忙中驚
顫已逡巡防閑暗許鞦尖覺慢傍遙貪袖角親十五年前常意
態消覓此日勝嘗新

密字

密字珍珠側理裁問郎何處恣徘徊終年細數無多見隔日幽
期不定來鳳響誤猜攀繡箔花陰閑看過妝臺芳心一寸芸香
瓣爐篆成灰未肯灰

雙歡曲

一雙瓊佩盡殊珍湘水妃兼洛水神無價名花偏屬我有情飛
鳥總依人嫩寒曾記消覓夜奇煥難禁觸手春拋卻大羅天上
癡碧桃仙洞老劉晨

春病

接籬倒著醉難支
隨意敲門去看詩
卻憶有人憐我病
滿天風露太歸遲

病容強作笑顏開
爲送花枝到玉臺
早被意中人看出
怪儂何事忍寒來

相看不語又沉吟
女伴防閑太計深
各自病愁渾不曉
枉教人說是同心

暗風吹雨入疎櫺
眼似雙魚徹夜醒
一片塔鈴清脆語
不同卿住卻同聽

水嬉

龍舟搖曳綠楊煙
小艇如梭往復還
料得玉樓斜照裏
也應錯認幾人船

危檣燈影碧霄寒
畫舸中流酒未闌
卻憶去年舟一葉
滿河星

月並肩看

幽歡

涓涓溝水暗無聲如霧疑煙洞未晴
半晌花陰潛候久何人解道此時情

低鬟風致暗徘徊小立迴廊暝色催
趁著銀鐙剛未上佯佯偷近玉郎來

新妝

翠羽明璫出洞房春風新褪縞衣裳
冰開碧沼花憐影雲掃青天月放光
坐處微聞金釧響行來遠覺繡鞵香
玉郎相對渾無語閒教靈禽語夕陽

蘭語

日來顚顚瘦腰身蘭語當窗囑付
諄隨意清游聊遣悶韞精沈

飲愁傷神蕉梢細嚼終無味桃核雙歡別有仁每到花叢須記
憶東風岑寂倚樓人

箇人

箇人第一是青絲委地春雲挽髻遲記得刺桐花下等水晶簾
外日斜時

箇人第一是雙蛾澹掃春山不費螺自識玉郎心事重展時偏
少感時多

箇人第一是星眸載得聰明又載愁只許消覓人自覺暗傳心
事不擡頭

箇人第一是雙顰酒量微渴笑靨堆一縷睡情支不住紅雲飛
上眼梢來

箇人第一是朱櫻匿笑舉帷皓齒呈翻道詩人蓮舌好願通花

氣過聰明

箇人第一是蘭胸菽發凝脂隱約中一秣紅鞋嚴結束卻逢郎
手自通融

箇人第一是春纖親替檀奴熨指尖丁囑避嫌心事切人前後
酒莫同拈

箇人第一是雙蓮風韻行來步步妍可記暗中金鈿落繡鞦香
氣泊人肩

燈夕卽事

千枝燈火一枝花十二瑤臺聳翠霞仙去偏愁郎有伴月來如
寢姊爲家微聞人語疑清瑟近隔天河只片紗應被市中吹笛
者遙占珠斗貫浮槎

蓄蘭一本數年始得花

幾年珍重護春寒一箭纔逢白玉關靜色能消粗氣味異香不
是古旗檀半生心力全拋與萬事艱難倍可歡真到眼前偏認
作畫中看又寢中看

嬌女

左思嬌女似嬌禽來道勝常送好音書是宣文親口授花令小
玉上頭簪學分繡綫宜纖手解辨琴絃有慧心一點櫻唇點墨
在曹娥碑字甫撫臨

品花

花裏三傾國梅蘭及海棠可餐皆秀色不斷是生香春思依依
寢秋陰寸寸腸何時滿人意都植在瀟湘

花朝

碧雲特地破新晴小閣璫璫卽玉京花影盡如人窈窕語香多

帶佛聰明思量過此春非淺歡喜來時病亦輕脩到羣芳緣恰
好不同開日卻同生

寒宵紀寢仿曾真體

青粉墻高接半天黃昏風緊月娟娟斜門寂靜推敲細曲巷陰
沈伺守堅乍聽鐘聲空外動忽驚人語暗中傳朱唇微噉來屏
角纖指輕彈近閣邊預啓閒窗教側足偷開秘鑰許容肩中途
幾被監奴覺內院纔聞采伴眠入戶衣裳防絳縹牽幃步履屢
蹣跚卸頭別綰龍鬆髻熏被猶餘麝煙展側冰肌如水滑偎
依粉頰比花妍一彎雪臂璽瓏藕三寸紅幫窄小蓮脂熟櫻桃
鶯飽啄香披豆蔻蜨深穿流蘇悄擊銀鉤宕密炷潛吹寶鼎然
眼嬌橫流微覩蜺喚聲低徹恣纏綿富胸襟繡堆茵軟銜耳環
璫墮枕偏驚顫芙蓉承露重狂飛柳絮遶風顛幽歡放膽終虛

怯濃笑迴身忽涕連長恨赤繩愆夙分自嫌銷悲過華年驚囚
難卜重逢日魚勝甘圖再世緣可奈晨雞先促迫尙貪宿鰥暫
留連釵分紫玉酬深愛稠擁青綾耐細憐剪髮早申偕老願抽
毫索記定情篇前遊歷歷明於鏡迴憶茫茫墜似鈿姑射神妃
原幻癡維摩天女本空禪覺來襟袖霑霞氣贏得人呼是謫仙

深恩

手緘瑤札報知音昨夜雲窩昨夜衾蜨寢正酣香萬頃雞聲偏
斷刻千金花緣露重翻含淚燭爲風流盡吐心自把深恩酬至
愛如何轉說受恩深

續美人詩二首前首續上二句後首續下二句鳬脰接

崔狗尾附貂兩美同心並蒙印可

浴罷輕衫出洞房尋尋覓覓費思量梧桐月色炎如畫憶著郎

來便覺涼

手霽勺藥坐凝思地久天長在後時只寫靈飛經數字無人知道定情詩

瑤窗

羊燈未上月如絲偷出中門步履遲拂檻衣聲疑竹韻窺窗聲影誤花枝乍嘗險味情逾怯強定驚覓力不支蹤跡怕人猜料著暗中歸去朗吟詩

把酒祝東風辭

龍盤鏡子鳳頭鞵屢卜幽期總不諧七澤三湘途易阻六張五角事多乖花如可折難擡手月豈能探卻墮懷只種相思無結實東風相祝酒如淮

淑意

人前苦囑莫畱情無奈情深態越輕蹤影已離君座遠眼光偏
注妾邊明更辭縱許同心會羞暈難防兩頰呈非是恩濃情轉
淡可知妬眼繞如城

滿願

雙峯雪映日華妍八尺龍鬚乍起眠甘后有心呈煥玉楊妃無
力出溫泉低容不作嬌羞避緩語翻教恣意憐若使小家拘束
態定應匆遽失天然

病暗

扶定寒香冉冉來輕雲纖月共徘徊罷妝風韻全關慧鬱性溫
柔別是才微露隱腸知我解頻支倦態厭人猜相看一種悲愁
味盡盡宣鑪寸寸灰

天眞閣外集卷四

天真閣外集卷五

詩五

昭文 孫原湘 長真

天水

如天儀度水年華天水由來是外家百病盡捐霜後籟三生自
懺雨中花瓊樓寫韻人誰到玉尺量才事可誇笑我會稽王內
史十年弟子隔屏紗

畫梅寄情人

人間難畫是相思只畫瑤臺絕世姿脩到佗生須記得謝娘庭
院雪來時

玉姿清瘦不禁風縞袂依稀薄霧籠記得小紅闌角事滿身香
雪月明中

青粉牆高欲度難暫將綠萼當珊珊燈前寫幅橫斜影貼上屏

風恣意看

畢竟天姿畫不成
拈毫心事更縱橫
明知卿貌花難替
只要卿知我畫卿

紫雲樓語月

三生石碎四禪空
情癡重溫雪上鴻
貪傍一株紅豆樹
不知清露溼懷中

櫻桃小火鳴鑪溫
簾影條條蕩水痕
樓下月明樓上語
人生能得幾黃昏

燈昏月瘦已三更
聽盡瀟湘過雁聲
修作佗生真姊妹
相憐未必似今生

贈別辭

寄語瓊樓仙子知
寒潮已放鰲雙枝
重看正恐添惆悵
徑去翻

教省別離縱憶嬌兒須強飯便逢佳客少題詩畱將不壞娑羅
果會有華嚴再見時

閑情

走馬尋春得得忙
嬌紅姹紫儘芬芳
歸來靜對寒梅嗅
始覺閒花帶草香

侑生

一寸相思一寸箋
眞珠密字淚珠穿
侯門空守黃昏約
仙洞難期碧落緣
銷幌尙愁厖欲吠
銀橋那有鵲能填
畱將玉潔冰清體
好作來生並蒂蓮

一紙情書訂夙因
妙蓮香裏證明神
姻緣注定他生簿
才貌脩如鳳在身
說到死期心轉快
記來前世事須眞
風輪小劫隨飄墮
佳耦先逢絕代人

瀟湘樓雜憶

湘簾跨出尙逡巡要使郎看要避人立近小紅窗一角半容嬌
眼半遮身

聞郎聲息畫樓過偷露梨花半面多莫恨全身看未足情辭都
已在微波

扇囊寵賜九天霞上繡蓮蘭兩種葩不獨愛侬高品格花中此
是並頭花

碧甌親自搗雲漿暗度華池玉液香口口願郎都吸盡莫畱點
滴與人嘗

銀灣渺渺隔雲端誰道恩波天樣寬膏露暗施花葉上不畱痕
迹教人看

公然青鳥下蓬瀛滿過雙鸞與長卿纔算聰明真絕世別無一

字自分明

樓上聞聲樓下行樓前妬眼已成城
隔簾微露雲鬟影料是王昌眼最明

下樓風恰繡裙掀偷見弓彎窄更纖
乞與重臺蓮一瓣朝朝枕上看紅尖

郎來紅日已銜山采伴兜畱苦不閒
終日相思能幾見累侘一度又空還

畧掀簾子露微顰卻恐消魂看未真
儂有小鬟郎有伴一般俱礙作閒人

鸚鵡能呼燕子猜中樓那得久徘徊
胡麻飯罷當窗繡郎若來時過午來

樓窗蛺蝶繡將成樓下鸚哥喚客聲
半日吟郎郎不到教儂錯

認幾人行

兩情相敬久如賓
卻隔重樓迹未親
望見佯佯先立起
旁人只道避生人

側身我欲拜慈航
卻恐卿嗤阮藉狂
暗向神光微點首
心頭自羨妙蓮香

無計畱行且送行
畫闌特地倚新晴
難將此意教郎會
兜語雙鬟送笑聲

茉莉香迎出浴遲
歡來是妾晚妝時
一番走馬看花去
添得消魂幾首詩

指爪

粉印脂痕尙宛然
溫柔如捧手兒綿
調蘭雪藕曾消受
握雨攬雲未結緣
聊當指膚成密誓
儘堪搔背遣清眠
麻姑鳥爪親封

寄不怕方平浪下鞭

委曲辭

方勝紅箋達粉匳公然妄想學鶉鶉梅花肯嫁林君復喚作卿卿儻不嫌

忍把旁妻喚小喬封還兩字筆親標羅敷已有鬚鬚堪辜負琴心著意挑

錦字收回自悔麤甘心鞭背謝麻姑願天罰受維摩病消得閨中薄怒無

卽病根由細揣量料應未解妾柔腸重題數字緘封去抵得廬醫肘後方

封就鸞書少雁傳託題紈扇送君邊如何枉負聰明煞自把機關錯眼前

互關聰明似奕棋同心消息少參差昨宵爲怯旁人看算到卿
心一着遲

晨窗翠鳥忽銜將小疊花箋扇角藏只有萬千珍重字青絲一
綵裏中央

人世婚媾定自天爭如才色自相憐勸郎莫認夫妻好認作夫
妻轉嚙然

手捧雲箋病已差欲脩報札轉遲遲連朝心事從頭寫當取家
書莫當詩

郎書隱語字分明妾自關心記得清無限深情難下筆只描蘭
蕊並頭生

蘭舫紀遊

纔傍仙舟語未交星眸早已隔簾招有人先我停蘭槳半晌何

曾見阿翹

一春玉恙閉朱門聲息何曾外院知
今日花前扶病出教郎知道減輕時

標格矜嚴漸覺寬水天閒話倚闌干
笑容也怕人猜料無奈逢歡意自歡

畫舫潛移傍曲池烟波何處覓西施
玉清縱使重追著錯過良緣已片時

綵雲重見夢中灣可奈斜陽送客還
蘭橈漸移人漸遠碧紗猶自露春山

春遊歸去病兼愁又是經旬不下樓
特爲消魂人彊起綠窗風日控簾鉤

秋詞

相如病骨怕秋寒那更臨風慘不歡千萬爲僂休自苦君身安始安心安

風清露白已涼天樓上燈紅尙未眠如此夜深羅袖薄爲誰猶立繡窗邊

仙人生就骨清癯誰識豐容是病餘那得纖腰眞入抱玉肌親切看何如

紀緣盡日

未通眉語已通情只隔湘簾不隔聲臨別回眸重一顧累人惆悵過今生

悼詞

驚傳神女已生天獸鼎盟香息穗煙妄冀因緣酬再世難追覓鬼到重泉封題密字三千札擔受虛名十五年賸有瀟湘圖畫

影一回展禮一潛然

自憐身世太淒涼幸遇知音玉秤量直道此才無敵手每稱難
得有情郎遺文序早求張說諫筆詞還屬謝莊癡欲憑棺成一
慟深恩豈是淚能償

霜裏幽蘭雪裏筠可憐摧折不成春七情雕就顏如玉百病磨
來性出塵仙樹逍遙無結子慈雲縹緲是前身彎弓欲射銀蟾
落追轉姮娥作世人

影堂重過不勝情無語低頭一徑行只當箇人還病在若聞來
客恐心驚詩篇狼藉收難盡畫稿叢殘半未成檢點巾箱舊鈿
盒玉環知否有來生

拜梅

青蓮才思九州橫獨對梅花傲不成七貴五侯供一笑滿身風

雪拜卿卿

元日

鶯啼燕語報新年親拜紅妝玉鏡前
絕豔人如初透日乍中年
似嫩春天芳心密取明瓊卜茗汁遲催小玉煎
手剝瓜仁傳吉語願郎瓜瓞更縣縣

蘭房

當初握手尋常事誰道如天不可攀
齧頸尙畱纖齒印指膚同
驗炙香瘢持裙偷擲蓮雙瓣伏枕勞舒藕一彎
今日隔窗窺午繡一層雲紙萬重山

蘭房寂靜臥烏龍
翻促郎行坐不容非是熱腸偏小膽祇緣妬
眼慣潛蹤言當要處尤宜少情果真時豈在濃畱得清名相見
好並頭曾已學芙蓉

橫霞仙館雜事

佛容光豔世無尋
供養端宜紫竹林
我願將身化童子
朝朝合掌拜觀音

只道粗才定品差
幽蘭偏比別人家
回瞋一笑思量著
原是梅花第一花

爲恐狂奴思不禁
朱櫻宛轉避春禽
星妃微露蓮花舌
未許靨脣已許心

畫堂相見倍矜嚴
眼角睂梢盡避嫌
六幅湘褰風不動
暗傳心事與蹊尖

郎來深坐綠窗紗
看我梳成兩鬢鴉
當著小姑臨不得
待伊臨去喚煎茶

含情低首不輕擡
還恐當窗女伴猜
趁著金鍼重度候
看郎偷

眼看儂來

相邀姊妹出花前人自徐行我轉先閃過小屏山一角任郎偷
搦指尖妍

春社如雲紫陌過重簾翠地注嬌波誰知簾外蕭郎立促膝溫
存半晌多

戲取茶甌當酒杯手拈紅豆教郎猜怪人料事偏奇中手握雙
鉤不肯開

欲度櫻桃味與郎背人離坐走佯佯玉甌一點波羅蜜分付消
覓自去嘗

問郎底事病雙眸可怕銀燈可悶愁好避綠窗風日煥如何還
寫字蠅頭

仙骨珊珊響佩琚逕來檀几泥相如玉纖替按雲藍紙只道貪

看倒薤書

情鍾

伊人雙頰秀芙蓉自識相如帶病容頻躡幽蹤忘露令互穿和
服漏香濃恩深不記無心過語密親除有用封薄倖自慙兼薄
福如何消受此情鍾

錦袜

寶袜親裁翠銷鮮關心脫贈早涼天重綰託裏情深厚密綫縫
圍手巧妍但許貼胸如妾抱無由輸意伴君眠佗時認取斑斑
迹莫棄香籠繡篋邊

嬌暝

熱腸冷面兩難猜越是依依越賜開卻憶乍成歡愛日滿身香
霧近人來

錯認真情是雜情
難將心蹟剖分明
只消自看菱波影
更有何人比得卿

奏記妝樓

自遷樓閣可清寧
可怕高寒可睡醒
可想玉郎聲息到
推窗悄倚畫屏聽

平時行近繡簾前
一笑雙眸語早傳
今日怕掀簾子看
隔層樓似隔層天
聽得鸚哥喚客不
應聲已到玉梯頭
心嫌女伴私猜料
只說看花偶下樓

初夏

綠陰濃染合歡牀
花裏潛蹤入洞房
幽怨襟情難細語
驚疑滋味勝初嘗
不知金鈿何時落
誰識羅裳別有香
道是分明原是

寢風光瞥去耐思量

牡丹下醺集

錦幃圍雲五色齊八窗都展綠玻璃名花一種春無賽卻見傾
城首亦低

斜背花枝坐綠紗恐花羞見面如霞反教奪盡花顏色人對花
來不看花

女伴藏鉤賭玉杯聰明十度九贏回就中偏是郎心滑卻費沈
吟半晌猜

郎拈梅子出花陰剝贈梅仁示意深故把玉纖摩弄久教伊知
道會伊心

席罷香興散畫闌感卿花下獨來看比肩立盡斜陽影相見非
難別總難

記憶卽書

社鼓喧喧殷六街東風搖蕩畫簾斜萬花叢裏偷眸看始信梅
花第一花

一閃橫波抵萬金乍掀簾已見芳心瓜犀贈自摻摻手情比當年
擲果深

聞郎聲息翠簾開連日潛踪著意猜知道袖中藏數字百方圖
便近身來

待來何事卻來遲已近花陰月上時口自怨郎心自喜暗中情
味沒人知

病中消息恣窺覘悄揭羅幃按玉纖平日未容親近處今朝不
道儘無嫌

投瓊鬪葉兩無猜聚裏橫波六首燈挨到上燈移坐近一鉤新

月暗鉤來

盈盈綠水出芙蓉
嬌韻纔如一十餘
昨日女兒相並立
風情翻較阿孃輸

臨別貪看月下姿
黃昏風露下階遲
知郎尙有流連意
特向明蟾立片時

心性年來倍耐愁
沈潛聲影坐樓頭
輕風任擊簾鉤響
不是郎來不下樓

此生百念已灰寒
薄倖休疑曾合難
賸有丹誠心一點
可憐無計剖君看

曲房

青桐一樹瘦搖涼
最密簾櫳最後房
細雨暗催眉黛綠
晚風微度鬢花香
悄聞步屣推屏起
畧近粧臺觸瑟忙
一種乍嘗驚顫

味清宵歸臥細思量

釋妬

寒暄數語出金堂一字無由漏隱腸越是空來情越好當時客
易轉尋常

夏詞

綠窗迎夏夾衣更玉秤稱來並體輕人笑同心是天定一回歡
喜一回驚

投我靈瓜美似飴分明冰雪箇人肌早知鄭灼然心火此物清
涼可暫醫

鸚鵡當窗不敢呼玉鈎響處卷簾無風前冉冉輕雲影一幅楊
妃出浴圖

小姑新製碧甯香彊捉檀奴盡一鴈親剥蓮蓬瑩似玉背燈伴

置鏡臺旁

秋詞

小病懨懨過暑天嫩黃姿色謝華鉛
今朝薄傅芙蓉粉省得郎
看瘦可憐

紅牆綠篠謝煙家金鳳開齊五色霞
樓角一鉤黃月澹麻姑爪
上看桃花

洗空脂粉晚粧成眞色看來倍有情
更喜一彎心字月玉人睂
額照秋清

洞房輕把玉扉推手握青絲下鏡臺
知爲阿儂生日到多情先
日送花來

午寢

長日因循候閒房寂靜時倦辭樊嬾
侍計遣阿侯嬌委地垂銀

押當窗隱畫絲近前來冉冉卻立故遲遲佩任湘褰妥釵從翠
鬢欹蒙茸珍火齊綽約獻氷肌側耳風聲過關心竹影移喜多
翻震蕩力弱爲驚疑婉轉花頻就闌珊蜨已疲暫推元妄疾深
負有情癡吃吃思前度惺惺訂後期難成偏好寢惆悵定如斯

中秋

雀鑪烟穗裊黃昏月過迴廊乍掩門蟲覆葉深栖迹穩蜨藏花
小受香溫風鬟細閃珠燈影雪腕微露玉露痕如此風情如此
夜一回相見一消魂

縫履

綠華仙履製瓊瓏珍重寒閨妙手功曉篋豫分金綬碧夜窗頻
剔玉釭紅迴腸默轉迴鍼處客意潛含密縷中著向閒堦須護
惜祇緣縫綴費春葱

評梅

東閣南枝第一春
阿誰配得藐姑神
無心自譽梅花品
半晌低顏不應人

雨阻

黃昏獨自下簾櫳
挑盡銀釭不肯紅
有限清歡好時節
可堪拋擲雨聲中

料卿知我憶卿真
繡被難安轉側身
聽盡漏聲還聽雨
綠窗同是未眠人

閉戶沈沈長綠莎
隔條街巷抵銀河
一宵兩處芭蕉上
不敵相思淚點多

兼旬梅雨苦如年
霽後晴雲火欲然
雨旣阻人晴亦阻
天公難作是情天

天眞閣外集卷五
相期隔日到妝臺苦被金閨女伴猜如此炎官張火繖連朝觸
熱爲誰來

書憤寄所思

怕檢羅衣舊日香怕登樓閣睹斜陽眼前事事皆堪哭特借飛
花勸一場

旁撓歡計阻良緣中道風波豈偶然我痛世人皆欲殺不如卿
有一人憐

仙寢

燈昏如癡月沈沈曲折仙源許恣尋細草生香迷洞口片雲含
雨閣花陰搗霜玉杵愁輕重濯錦銀河試淺深十二萬年今夕
事一回追憶定霑襟

絳蠟生珠淚未挑石雞無奈應春潮合歡慢揭青綾帳圓聚從

吹紫玉簫洞草尙含仙露
溼峽花猶帶癭雲搖風光瞥去
饒餬甚纔著思量似昨朝

答怨

百尺紅樓一寸誠願隨飛絮
入鸞楹焚山終想求毛女抱柱何
辭作尾生薄怒音詞深似笑過防
心膽易成驚佯推故卻應須會不
負初盟肯負情

附來作

終愁青鳥漏丹誠莫屢傳書到
繡楹握手尙嫌逾風分並頭原約
待他生爲君已致全身病念我那
堪小膽驚非是受恩翻報怨祇緣
無以止深情

答羞

千金一刻價無酬斗帳明姿映
燭羞峽裏雲行原是癭洞中霜

煨不知秋抱香眠
蜨忘朝算晉樹飛花惜去
留誰把鴛鴦顛倒
配青天易補恨難休

附來作

數年幽願一宵酬
及至承恩反覺羞
豆蔻花殘方著露
梧桐葉瘦易驚秋
枕邊密字綢繆印
被底濃香鬢鬢留
脩作鴛鴦知不易
此生甘死未甘休

答疑

陽臺聲息誤傳聞
苦寄連波錦字文
蓮座久皈香一瓣
梅花敢議白三分
有星偶近天邊月
爲雨原無峽外雲
溝水東西羞薄倖
錦衾長守卓文君

附來作

風語華言屬誤聞
忍將私意度雙文
畫圖縱被丹青混
棋局

終須白黑分昔日感郎情似海今朝疑我薄如雲妝臺那得
秦宮鏡肝膽分明照與君

曉妝

水精簾下曉風涼委地春雲五尺長容易偷窺殊出浴最難親
見是殘妝願爲花朵依鬟側想到釵聲墮枕旁待與侍兒商畧
取紅梳梳下幾絲香

小字

謝公最小女偏憐小字呼來定絳仙一月迴懸珠樹朗百花都
讓玉梅妍療饑自喜忘并日消渴何辭爲損年每向畫眉窗下
見匡廬只在鏡臺前

排次

姊妹行中最下肩女兒星次斗牛邊數來指節螺紋徧翻到眉

圖月暈妍遶后香詞書苑轉丁孃麗曲索纒縣宋宮謝女原排
十傾國偏推第一仙

生辰

十日清和未改春玉厨櫻筍作生辰問年愁誤波斯女降日應
推洛水神屈指浣花須下九當頭弦月尙初旬金盤香露前朝
貯浴罷如來浴美人

病悵

得遂幽期病轉深梅花開日到如今香盟縱結鴛鴦帶好癢難
溫弱翠衾千尺水深通素札一重山遠隔羅襟料無靈藥能醫
治願化西天並命禽

秋窗

紙閣蘆簾玉放光朝朝綫帖與錦箱腰間歡喜潛鬆帶骨裏鮮

妍任毀粧畫檻凭時禽注眼繡鞵行處蜨隨香太真瘦了春風
面一種秋覓化海棠

佳人

玉梅花下訪雲窩坐對春山壓翠蛾幽暗房櫳聽雨久喚香屏
障避風多論詩反索郎吟絮作計閒教婢補蘿蹤蹟自疎情自
密趁人回首注嬌波

妬阻

妬眼如叢集滿身祇容相見罷相親私書拌滅懷中字幽恨難
瞞鏡裏顰豆蔻含苞香觸手櫻桃垂熟味霑唇當初只道尋常
事猶苦消覓未得真

幽窗紀事

洞房清晝似黃昏卻下重簾掩上門威閃星眸含薄怒妬傳風

語表深恩鬢梢花朵防歆側舌本茶香恣吐吞容易鈴聲驚蛺蝶已消孤悶未消寬

記言

膽爍小膽卻多情鸚鵡纔呼便駢驚錯過今生好時節泥人苦苦訂來生

今生也算宿緣深花縱分枝卻一心脩作人間真伉儷相憐轉恐不如今

春雨代所思書悶

藍橋咫尺水盈盈錯過花朝月又明如此相思容易老一生幾度見雲英

癡隔心懸又十朝緣窗風雨坐無聊九天屈注銀灣水那得憑空現鵲橋

悶掩窗紗盼曉晴
幾回錯認畫簾聲
玉階細數沈沈滴
怨了東風怨薄情

泣別

屢揀行期未有期
者番不道果臨歧
縱教齧臂堅盟約
無奈驚心重別離
蘭弱詎能勝遠道
橘移還恐變芳姿
一尊拌醉花前死
冤鬼隨卿好護持

寧教生死隔幽關
遠別情懷較死難
人到去時看越好
淚無揮處忍尤酸
卽防永訣誠多慮
聊訂前期強自寬
留得兩身顛顚在
相思祇隔路漫漫

媿鬟催送上屏軒
折向空房又幾番
十步九回猶道速
一辭千囑未嫌煩
鬢梢花朵從教墮
奩側絨書任亂翻
最是關心褰帶繫
玉郎親贈別時言

深閨從未涉關河送上扁舟恨若何忍淚翻將詞勸慰耐心須
保體安和相看每覺消魂盡屢見原愁折福多暫別留些緣分
在鏡臺他日細消磨

箇人生日

紅藥年時照綺窗箇人生日是今朝留賓每取頭綱試拜佛親
將意可燒蘿屋補苴原不易蘭闥行役太無聊重來響屨迴廊
下竹影禽聲總寂寥

舟夜

尋常小別上蘭舟回首山城見玉樓今夕依然開畫櫓前行不
覺過芳洲如何枕上醒孤癭翻憶閨中作遠遊聽盡船頭風與
水綠波東下淚西流

小別

送遠悲猶在離情此又并暫述三里霧如隔一重城密意傳眸
子歸期訂尾生臨行手三反知我定知卿

如約誌喜

臨行堅說莫歸遲只許匆匆半月離不道芳心偏記得果然不
負玉郎期

爲探消息過卿居果見明粧出綺疏衆裏相逢先問訊別時清
恙近何如

守約如山定不更玉蟾三五證前盟笑郎枉抱癡情在準備橋
頭作尾生

別不多時語已多香肩斜倚注橫波問郎他日天涯去儻負歸
期待若何

病起

一番偎傍一淒其若箇深恩得似伊憐我病餘宜自愛怕儂情
重轉相離無由湯藥親身奉只是衾裯徹夜思見面但知郎瘦
了爲郎消瘦卻誰知

妄語

綠窗凝語太無聊妄想重生比玉簫便等十年卿穉小可知雙
鬢我飄蕭浮萍縱記前生準並蒂終嫌隔世遙畱取悲愁緣分
在且圖一見一覓消

幽蹤

湘簾翠地護幽房更借屏山一曲僂爲狂心須自斂漫云私
語儘無妨潛蹤尙恐衣畱角側耳頻猜牒過廊重揭鏡奩看鬢
影黃花手整綠雲傍

漫把秋花較若何祇應入月比姮娥日華映面空脂粉雪葉裁

衣厭綺羅骨秀未容粗領畧情高常苦費猜摩今生幸不諧鴛
牒暫遇猶愁折福多

長恨辭

穠華一樹委千春頓失蛾眉絕代顰嘔血但知呼負負迴身猶
想抱真真溫柔儘折三生福驚恐虛勞十載神一慟靈牀還未
敢自憐終近薄情人

病中密誓淚紛紛細喘如絲語不分到死未能忘子建佗生應
得配參軍玉簫果許常爲媵神女何辭暫化雲只是費伊方寸
血相如親誅卓文君

聽到傷心伏枕辭如何忍得淚千絲六州已鑄今生錯萬劫難
消此願癡眼看神娥奔月去覓愁天女下凡遲不關貪守重生
約正恐輕生轉負伊

花香月色舊闌杆，不忍重經況忍看。是我心知天必忌，爲卿淚
滴地無乾。渾如寢裏還尋寢，虛被歡稱未盡歡。從此一雙紅豆
顆，拋沉碧海恨漫漫。

總悼一首

王夫人與管夫人湘水神還，洛水神身到碧空。齊解脫手拈紅
豆，獨酸辛愁絲日繞詩中。絮淚迹時，霜畫裏筠欲報憐才，恩似
海。此生情海願沉淪。

閣筆

知音難得況蛾眉，手捧瑤琴謝子期。宋璟怕提梅萼賦，杜陵悲
撒海棠詩。抽囊作詠循遺教，分俸營齋託詭辭。我亦憐才非好
色，料無人識有天知。

天眞閣外集卷五

天真閣外集卷六

詩六

昭文 孫原湘 長真

無題和蕭百堂

鏡中春浪洗朝霞
拋閃風情與月華
不道負心真似鐵
從來薄命定如花
橋頭誤問巡官卜
江上虛猜估客槎
簾卷西風還悵望
蕭蕭落葉滿天涯

三年一信盼歸遲
消息傳來總可疑
箏柱忽移哀雁調
釵梁偏罨喜蛛絲
連宵寢好都無準
竟日粧成轉自嗤
小婢不知前計左
只催開鏡畫新睂

再和百堂

鬟剪湘雲珮紫霞
春風消息露年華
愁來不忍看殘月
癡絕還思落
花有器難收傾地水
無程可紀上天槎
姻緣祇好如鴻

燕海北江南各一涯

果然重到不嫌遲無奈空言祇益疑癡願莫真成馬角愁身早已入蠶絲強爲排解翻添恨待覓商量恐受嗤聽得鄰娃倚夫婿教依新樣畫娥眉

帳簷梅花

一重霧縠一重紗寫出前身萼綠華畢竟帷中看不見依然暝玉當梅花

羅帳春風偷揭開壽暘粧額尙慵擡玉鉤掛起分明看也當巡簷索笑來

金陵女校書謝玉獨居秋影樓洗粧謝客余與張香巖秀才訪之談茗清譚殊有高致王脩微卞玉京一流人也臨別留贈

美人從古怕妝殘
邀寵爭妍到此難
要卜傾心誰妾愛
獨將真色與人看
輕身祇恐奔歸月
清氣偏宜坐近蘭
我有無窮天壤恨
爲卿鴛牒也心寒

咏美人屨上絮

托迹紅幫繡綫邊
步來香土欲成蓮
此生不作沾泥相
慧業能參白足禪

感蜨

莊周幻癡爲蝴蝶
畢竟風流癡是空
爭似青陵臺下鬼
一生酣寢萬花中

美人初度

如君竟體似芳蓮
生在蓮花一日前
詩主性靈空倚傍
情緣酒脫愈纏綿
巧思幾越銀河界
好癡常依璧月邊
繡佛燈明齊下

拜比肩人恰是同年

有悼

優曇鉢裏現芳華秀在丰神慧齒牙吟雪尙留新起草清霜偏
折未開花認來小影烟如玉歸去秋蒐月是家身到銀河休悵
恨依然完得一匏瓜

折桂寄人

碾金爲雪鑄秋芳合助瑤臺素女粧此是蟾宮親折得滿身風
露尙天香

一笑

滿身花片打漁郎贏得樓頭一笑償豈是裂繒能博取若爲射
雉始酬將漫誇城北徐公美早識街西小杜狂卻顧五陵裘馬
客千金猶自費商量

戲凌客

聲價空論十斛珠羊車竟自返璠瑜花飛尙作隨風颭鶯去猶
聞隔谷呼叔寶祇應爲小友仲卿原不是人奴鍾情自古招閒
妬團扇風流一例無

雜事

閣翠燈紅酒似潮人間第一可憐宵綠熊茵展風都穩赤鳳車
來雪未消別院簫聲催月上隔屏香氣雜花飄蔡經得噉麒麟
脯已是麻姑指甲調

此中洗面淚痕多伏枕空持斷袖羅北地自工操井臼東屏何
敢按笙歌羊車歷鹿聲初杳雁柱參差調未知莫勸春江桃葉
渡眞花還恐易摧柯

畱仙鬟子石華裾一種柔情玉有餘肯負平時酬芍藥祇宜生

日近芙蕖欸寶親設文犀簪送遠空思小犢車休抱王郎天壤恨琴心未必遇相如

綠紗窗緊掩呆眉肯放輕風透一絲微笑豈因茶潑後不言常似扇障時貪看花影吹燈早愛愛蘭熏出浴遲未必長卿眞病輒強邀纖玉爲扶持

玉映

水樣簾櫳玉放光語香未了雜花香竟邀映柱來窺伺恰喜斜門得掩藏歸去忽移青雀舫重逢剛在碧雞坊匆匆一笑天台路知爲劉郎爲阮郎

花讌

仙手調羹巧香涵玉盃春妙來無過熟鮮極自生新座各貪嘗飽歸猶樂道津嘉肴盡佳果花讌謝花神

花燭辭調張子和比部納姬姬靜海人

剪綳爲帆桂作橈渡江桃葉自吹簫儂家丁字沾邊住生小垂楊鬪細腰

銀燭生花漾翠屏桃枝扇底玉瓏玲一雙同應天邊宿郎是郎官妾小星

五更統鼓聽鑿鑿熏罷朝衣宿火紅獨抱雲窩貪美睡賣花聲過小胡同紅條三尺署銜頭新拜都官屬小秋左畫蛾眉右書判果然張敞最風流

蕊宮花史圖

并序

柔兆執徐之歲百花生日宛仙夫人招集女史十二人宴於蘊玉樓謀作雅集圖以傳久遠思其時世粧

也爰選古名姬按月爲花史以江采蘋愛梅花屬焉蘭有謝庭之說以屬道蘊梨花本楊基蛾眉澹掃之句以號國當之牡丹有一捻紅本以太真得名榴花屬潘夫人爲處環榴臺也西子有采香涇蓮花系之秋海棠名思婦花開於巧月採蘇蕙若蘭故事牽合之麗華有嫦娥之稱以之司桂賈佩蘭飲菊酒駐顏宜令主菊芙蓉稱蜀主錦城最盛故屬花藥夫人惟子月山茶絕少典要以袁寶兒爲司花女屬焉水仙則凌波仙子盈盈微步其洛神平分隸旣定作十二闕各拈得之自正月至十二月爲謝翠霞屈宛仙言彩鳳鮑遵古屈宛清葉茗芳李餐花歸佩珊趙若冰蔣蘭蓀謝湘席佩蘭長幼間出不以齒也爰命

畫工以古之裝寫今之貌號蕊宮花史圖兩易寒暑
乃成重集畫中人置酒相祝命余題詩以紀其事

非非妄想入諸天管領羣芳合衆仙按月不關分甲乙夢花原
各種因緣九霄或有真靈在萬事都從傳會傳比作詩家操選
例六朝唐宋一齊編

十二釵痕十二關萬花深處珮珊珊改除時世梳粧儉脩到神
仙眷屬難點筆盡驚傾國豔披圖還認合家歡美人本是花真
影只當宣和畫譜看

玉樓張出朵雲新占斷瑤臺四序春仙樹參差寒煥候神光離
合古今人好花難得同生日明月須知有化身畱取埽眉真姓
氏後人應又託傳神

蕊珠宮殿月茫茫我道分明卽故鄉花裏便爲仙世界雲邊堪

想古衣裳衆香國煥春常笑羣玉山高夜放光願得畫中人不
老年年只作畫中粧

雜紀

昨夜簾櫳事渺茫花前贏得客清狂聽歌誤認回心院映燭貪
看半面粧簫史慢圖聲引鳳相如空奏曲求凰玉纖剝取青蓮
子別想人間擲果郎

仙人畫舫列瑤京漢使乘槎犯太清相背已嫌如蒯徹平看竟
自學劉楨未妨惆悵原無益少得團圓便有情不道微波萍末
起菱枝柔弱晚風傾

觴政清嚴石尉行分曹射覆太縱橫借花獻佛開瓊閣將酒驕
人鬪玉觥幸喜聞名知小宋密教不飲救公榮憐才自是傾城
意恩怨何勞着眼明

歸去銅龍咽漏遲歡嬈偏唱惱公詩盛名早慕羅昭諫狂態寧
嗤杜牧之竹葉翻時鸞獨宿桐花落處鳳相思鄂君繡被香熏
久心悅夫君卻未知

詠美人所製楊妃舌用梅汁搗餠霜裏玫瑰瓣爲之取其形似也

薄似銀簪炙乍清小紅尖瓣本生成自從香口親題後應笑江
瑤浪得名

西施舌好味嫌腥新剝雞頭肉比馨一種妙蓮花氣息是曾親
口授心經

一捻分明玉手將宛然檀口吐丁香天生慧舌工翻案不是楊
梅強屬楊

清品須陪雀舌茶如酥滑膩欲膠牙三郎見此應微笑親喚玫

瑰解語花

入口甘酸滿上池芳津直許透詩脾華清當日真滋味只有寧
王玉笛知
紅得嬌柔嚼未堪香如雞舌帶微甘恰宜小病貪酸日一點櫻
桃細細含

李松雲陳雲伯郭頻伽諸君各以蕊宮花史圖題辭見
寄戲書其後

碧城十二幻諸天吳下因緣越水傳豈有神人真示影本來姊
妹憤隨肩司花故事原應女脫草新詩果似仙傳到蕊宮香口
讀一時紅紫盡嫣然

疊韻簡顧虹橋秀才

一紙瑤章奏綠天蕊宮詩史早分傳虎頭筆果工添頰蟾影圖

眞

夫人小影君會以索題

合比肩清福自來關智慧奇才方許賦神仙

山疊韻還能否更博羣芳一蹶然

虹橋疊韻見示以不得見圖中人爲辭余請以蓮花代

之

曾埽瑤臺隸洞天才名誤被十洲傳敢教王遠噴搔背偶得洪
崖戲拍肩迦葉悟時心卽佛藕花香處影皆仙何須親見凌波
影身到銀塘定宛然

易羨寒辭和張椒卿

綠波紅舫卽天台花不知名爛漫開我比劉晨更無賴此番瞞

過阮郎來

時在阮助巖師署

輕衫如水剪柔藍占得烟波玉女潭自受東風披拂後桃花紅

煞小城南

清脆鄉音暑帶蘇七條絃上住羅敷望仙橋北垂楊路認得當

鑑翠袖無

沈四常燕酒家女
聲色爲諸伎之冠

解畫開元桂葉蛾能酬主簿定情歌尋常一朵紅蘭影已勝粗

桃俗李多

張緒依依最少年墨花狂污薛濤箋風情恰似靈和柳搖曳輕

寒二月天

杜牧尋芳歲宴時柔情消得鬢如絲秋墳欲喚陳髯起重唱迦

陵絕妙詞

從張叔卿問沈四消息

明知相見原無謂消息尋來卻甚真漫向謝三呼四字

謝三嬾
不識四

字宋時

只將蘇小問鄉親桃花那記春前度萍葉原爲絮後身

別有關心忘不得莫猜是意中人

松陵有舊家子賣笑以養親孫子憫其志爲成四詩

上絃月出兩頭纖雙笑花枝揭畫簾不似小家拘束態自然通脫自矜嚴

酒龍喝月笑如雷贏得桃花上玉腮生小頰椒吟絮手紅酥渾未慣行杯

榮易第宅舊平泉券寫簪花記昔年莫語東山絲竹事惹儂雙淚落尊前

博錢酒券替親償燕玉還求煥老方儂自白華親潔養任人調笑野鴛鴦

豔體聯句

楚地人雙豔

子蕭

盧家燕並棲恰當春煥熱

凌客

轉憶夜淒迷剗鞞

驚初見

子蕭

傾襟語尙低肌凝姑射比

凌客

眉蹙女峯齊笑索香蘭

嬌

子

閒貪杜若攜

神光離與合

客

仙手挈還提

密誓

膚親

搯

子

犢才

眼得

顰心

知圓有鏡

客

身願

捏成泥

咫尺紅樓

近

子

尋常

素簡

稽每偏

恩雨露

客

許吐氣

虹霓

豆顆

相思

子

種花名

遠志

題浮雲

指直北

客

弱水

溯流西

濁質慚

晨肇

子

清狂

阮嵇來

占乾鵲

噪

客

靜惱

乳鴉啼

隱語芙蓉

妙

子

新詞

芍藥

詆折

茗畱

翡翠

客

攀樹引

螭嶠

小字唐宮

顯

子

哀絃

蜀國悽窗

幽飛野馬

客房

暗鎮文犀

怕聽風聞

子

撰

虛傳海誓

齋紙空猜

劍墨

客

分

阻奪鸞

篋偷祝坤

靈扇

子

伴扶月窟

梯問桃

酸自釀

客

圍棘苦

難栖

詩繡羅巾

幅

子

書絨絳

篋

畫圖纔

彷彿

客

琴調是

端倪

美疾求

丹鼎

子

芳年想

玉笄

喜蛛絲

網盆

客

威鳳羽

裁桂

寫竹

鈴螭印

子

團香

別麝

膺性靈

魚縱壑

客

踪跡

鹿循蹊

要訂

三生

石

子

休虞

百丈溪

情枯瘦

客

管

握柔荑

栩栩

圓

逃蝶

子

膠膠枕報雞聯函千萬語客凌無路達瓊閨子蕭

有女郎臨死自焚其詩稿者

一方紅淚滴瓊瑰拚把生香換死灰畱下人間誰解讀除非儂再返竟來

爐灰撥盡尙沉吟身死何須要賞音還恨有情偷記去無從灰得此人心

贈秀卿

鎖斷瓊樓與赤城求漿只合問雲英呼來小字珠無價聽到新歌月有聲細搗豐肌容瘦削偶妝慙態越聰明寒宵稱意熏爐畔笑看雙烟一氣生

低窗窄檻易黃昏湯沸茶爐瑞霧噴寂靜互傳眉角語清寒頻度指尖溫人疑胡蝶依依癡春逗梅花淺淺痕坐到月華如雪

滿若吹銀燭更消翫

瑤臺飛下玉無塵天與寒梅作替身姑射肌膚原處子孤山婚
嫁待詩人細論心曲宜長夜親說年庚恰嫩春怪底生香香不
斷百花生日是生辰

屈指春光到畫闌玉郎車馬上長安歸期縱說相逢早隔歲先
愁欲別難癡雨願隨行李去淚珠偷共燭花彈才人標格知多
少不似伊家耐細看

爲蘭風題天上人間圖卽以誌別

聘玉盟虛玉化烟生天小像寫嬋娟儂心別有蘭香影知在華
鬢第幾天

何必仙山縹緲踪人間樓閣自雲封只消一片桃花紙便隔人
天萬萬重

索性神娥化玉京磨刀割斷藕絲情如何同在人間住拚得參商過一生

就使飛身入廣寒常娥還許夜深看卿家更在青天上要把瑠璃揭去難

借君圖畫寫儂詩各種情天各樣辭亦有天台同寢處殺花聲裏呪相思

碧浪紅槎事渺冥楊花未必見浮萍分明掌上珍珠顆何處天宮作小星

春明好寢易蹉跎掣淚同聽小玉歌他日霓裳天寶曲又添公案一重多

贈初蓉

澹雲微雨日西斜細語輕憐隔淺紗簾影低迷妨燕子衣香清

遠襲梅花洛靈久斷黃初寢漢使難通碧落槎只當忘年真小友出門動卽到君家

玉梅花下寫朝雲更比梅花瘦幾分儘許蒼間傳月彩難從骨裏繪蘭芬高情未稱金泥屋真色惟應雪浣褻俗眼但知濃豔好相加羞對卓文君

題謝孃秋影照

謝名玉所居秋影樓卽以爲字乾隆庚子甲辰江左雨攀

翠華目不覩荒歉耳不聞金革風氣日競

華豔而金陵爲尤曲中有名者指不可屈秋影獨浣妝謝客以自高聲價爲隨園先生所賞一時名士翕然譽之先生死秋孃亦老矣同年陸甫元申翰沉藏其舊影屬題展北里之臙脂搗西州之馬策爲書三

絕句憶謝耶弔襄耶有心人自能辨之

心多力弱篆烟微隔著天河見影稀
柳絮無情偏有福因風還向謝家飛

一重香霧百重門月過閒堦不記痕
落盡桐華深院鎖爲誰風露立黃昏

秦淮昔寢散如塵太傅池臺宿草新
我是東山舊賓客可堪重對卷中人

滬城花事絕句

千叢玉樹萬叢蘭曲折紅橋四百欄
不是道人騎鶴去也應迷路出花難

桂葉雙眉秀絕塵飛觴喝月鬪千巡
彥回在殺髯如戟沉醉東風讓太真

秀真色藝雙妙尤豪于飲褚文洲負孔思遠之量見而拜倒

仙吏栽花繡滿園風前唱煞護花幡一枝偏賞瓊林樹聽報沿

街女狀元萬廉山大令承紀製護花幡傳奇通賞曲中以玉林為冠一時有狀元之稱

士龍才思枉如龍拋得明珠墮海中虧我摩抄雙醉眼親擒明

月水晶宮去歲陸祁生寄書藍稱擊球第一今來祁生已歸瀾七香遠峯招致之

俞生絕調太縱橫不數杭州蘇老兵博得如皋輕一笑當筵親

拜女門生陳淑娟如皋人工絃索頗高聲價曾于席上聽俞春浦琵琶乞為弟子

調鉛殺粉寫珠孃誰似華亭改七香喜字親書三十六他生脩

作紫鴛鴦改琦字七香工畫美人出仇寔父上所識四喜有玉簫之約

老我清狂杜牧之紫雲吹散海棠絲東風牽惹閒枝葉又值傷

春病酒時兩年前有秀芝者傾心于余為東諸侯劫去今來滬城見其妹玉芝為之愴然

酒龍意氣顛如雷一飲直須三百杯孤山處士果癡絕醉插金

英當玉梅金寶亦曲中著聲者遠峯最賞之

香海花天酒滿池鐵公繞指化柔絲玉皇勅賜雙飛寺醉殺僊

紅倚翠師

鐵舟僧寓南園工書畫能歌小令酒場無鐵公不歡也

鳳尾紅雲海上開連宵清瘦宴瑤臺黑風吹墮生羅刹也有消

覓李赤來

爲夫已氏作

小隊羊車窄袖身銀燈照耀玉精神張家世有蓮花貌也入花

叢鬪早春

張氏子名湘春者風致絕韻諸公宴賞必及焉

小部霓裳舞柘枝春燈斜映斷紅姿替他小史然眉急偏是英

雄李藥師

慶升部小伶崔松味莊觀察所賞演燈劇火然其眉公爲之疾呼

重來

重來碧玉舊情人認取燈前窈窕身百媚生成無若秀七情流

露莫如真眼波能剪覓搖水肌雪全消酒入春應笑桃花未開

日何曾洞口見劉晨

湘簾高揭字如丁認得秦樓小鳳翎十索歌成嫌夜促四絃彈
徹當秋聽偶提往事顏微赤偏遇才人眼最青珍重海棠休易
落楊花猶得化浮萍

爲子和姬人題圖扇

皎潔齊紈妙剪裁畫眉窗下影徘徊分明一箇天邊月偏落娉
娥素手來

洞房秋暝不知寒莫取班姬古傳看自製合歡新樣子更無一
日不團圓

石闌點筆稱題詩樹底輕涼拂面時誰唱畫屏團扇曲侍兒猶
是謝芳姿

歌女

一曲檀槽語若絲十三年紀太嬌癡分明不解人情思也有千

攔百就時

戲贈羅仙

人前絕不避嫌疑
身似飛花墮我懷
底事昨宵燈暗後
隔筵伸過鳳頭鞵

春浮香雨灑曼陀
一寸橫波抵歲河
不是散花天女使
如何能起病維摩

硯匣濃香拂翠裾
泥金扇索瘦金書
迴身又掣宣毫去
憶着相如病未除

推去偏來近又離
摘花擒蝶戲難支
無端誤觸歡孃惱
翻得溫存爾許時

懊儂

懊惱傳呼老畫師
生綃苦要寫芳姿
低頭已怕窗光逼
對面偏

逢筆性遲何惜天人畱本相恐勞塵世惹相思切休刻畫西家
貌暗屬當筵顧凱之

羅浮

羅浮山頂有飛仙不就梅花不肯眠
雙眼防教禪欲破一生喜與俗無緣
沈機翻覺情懷澹薄怒偏增意態妍
閒對春風成一笑儘人評泊恣人憐

送菰疇歸

一朶冷月片帆開無計畱君且送回
明日紫荆花樹下有人還望折花來

贈別羅仙

安榴花映淚斑紅別緒都含不語中
佛願縱慳成並蒂仙蹤何苦類飄蓬
摺膚淒切盟沉水捉臂矜持護守宮
金鎖暫籠么鳳

去此生心已掛梧桐

囑郎珍重郎安收拾啼顏強作歡新月儘畱圓後想好花尤耐別時看傷心且說相逢易行跡終愁自定難玉手親除金縷臂願天重與鑄團圓

暫時小別尙縈牽况是分飛各一天流水尙然終不返浮雲何似竟無緣香濃自古畱難久癡好從來續未全贈我青絲纔一綰如何穿盡淚珠圓

同心穩抱此情芽緣到春深會發葩大海有時逢斷梗小星甘自守匏瓜果營金屋先量地若到銀河定有楂手寫紅箋教記取碧桃花塢第三家

別有所贈

四條絃索酒雙尊記得離筵月一痕今夜綠紗窗外雨又因桃

葉念桃根

枇杷花裏小門關
金疊香消玉柱閒
纔是卸頭鴛枕畔
無聊擁背語虞山

贈徐雪園女史

虹橋西去謝孃家
舊有才名出絳紗
頻典荆釵酬藥物
自關茅屋種梅花
綵毫得意能消福
玉佩當心最辟邪
寄語江東徐小淑
清琴好好伴秦嘉

雨中同菰疇小霞泛舟至羅仙家送春

湖山如寢雨如塵
道是尋春卻送春
畫漿雙枝天上水
紅樓一角意中人
難遮去路惟青草
不定來蹤是綠蘋
究竟爲誰惆悵煞
閒愁纔洗又重新

立秋日得羅仙問

青鳥殷勤下碧城藍橋重許見雲英書隨梧葉先秋至人比荷
花隔水迎百恨盡拋雲外釋雙眸豫洗月邊明卻愁好事臨期
阻抱柱依然作尾生

喜羅仙至

桃根持榼渡江來匳具親攜玉鏡臺小別丰容看較瘦浪傳情
事見先猜微聞密坐芝蘭息細驗重襟豆蔻胎整掠雲鬟照秋
水蓮花羞對妙鬢開

供蘭圖

三生公案證幽蘭珍重殊香白玉關除卻此花無當意春風笑
折一枝看

膽餅欲插費商量愛好天生事審詳位置一花非草草才人文
筆佛心腸

水軒紀事

銀塘急雨響颼颼
水濺荷衣萬葉愁
一朵玉蓮波上立
天風吹殺不低頭

憐卿消瘦惜卿貧
肺腑深深譚字字
真卻被芳心成一
笑始知洗耳有高人

悔恨詞

無端打鬪誤驚鷺
竟作孤飛綵鳳驚
西子難追乘月艇
東君空監護
花幡情緣過愛翻
成悔事爲沈幾
易受冤此夕秋燈風露裏
誰憐顚顚病文園

一紙相思兩鬢絲
渡江桃葉竟無期
薄言縱使逢卿怒
消息終應寄我知
猶恐再圓仍易缺
果然重到不嫌遲
作徽圖畫分明在
癡把銀缸照幾時

重九卽事

相逢巾帔喜飄揚
雙鬢寒花滿屋香
細雨幽窗低語處
人生能得幾重陽

歸舟

艣枝搖出荻花灣
隱約船頭露翠鬟
料得箇人驚枕上
瘦魂先到虞山

金鳳曲爲周生菰疇作

逃香小洞曲瓏璫
衣染幽蘭葉葉馨
脩到今生兼福慧
親題詩上照春屏
乍拋睂眼整雲翹
顧曲心寬已暗消
不索泉邱帷幕聘
只圖夫婿會吹簫

手拈紅豆記琵琶
的的親封捉臂紗
儂自願栖金井樹
不知郎

可是桐花

雙飛心事比鴛鴦誰改嬰蘭小字香怕聽躍龍宮裏曲九華深

帳貯歸郎

果然公瑾似醇醪情比秋江八月濤學賦梅花篇未了又彈清

淚賦離騷

戲集唐句

抱鄰燈前影伴身白居易少年曾遇洛川神韋莊相逢相失還如癡

元稹傾國傾城不在人唐彥謙更被東風勸惆悵吳融靜留遲日學因

循張泌須知此恨消難得溫庭筠豆蔻花紅十二春

溫轅

高唐原是癡生涯綠水紅樓第四家北地胭脂中婦豔南朝玉

樹後庭花漁郎潛混素人服織女偷邀漢使查驚覺風流真一

雲閣佗鸚鵡喚煎茶

重次前韻

洞門回首卽天涯
碧樹深藏碧玉家
三度事成三夜寢
一番寒減一分花
頻來得似穿簾燕
欲近難如上水查
賸有顧儂心迹
在玉纖親賜鳳圍茶

黃花比瘦圖友人屬題亡姬照

梅檀風裏散雲英
薄命黃花悟此生
願作鴛鴦難比翼
怕聞鸚鵡呼名玉
簫舊譜盟猶在
銷瑟華年續未成
借取斷腸詩一句
紅兒小照雪兒情

簾卷西風蜨癡孤
瘦秋人已化曼殊
難求梁革回生藥
祇將幽嶽臥病圖
蠹帙縱橫籤罷整
象牀零落簾空鋪
髯翁手製朝雲偈
一字分明一淚珠

謝雪卿挽辭

錢子霞
姬人

逝水年華悼總筭雪堂前癡太淺
逃生憎點點因風絮纔上梅
花便墮泥

芳姿格韻本如仙了卻春痕玉化烟
手把定情團扇子九原辛
苦尙流連

晴雪難畱短命身秋風訣別太酸辛
要郎記得營齋日每到生
辰是忌辰

我有傷心不可言年年腸斷木犀天
借他溼翠啼紅恨自證幽
蘭院裏禪

紀遇

綠梅花下記調笙有箇人人酷似卿
天分不關儀彷彿風神都
在思聰明回眸宛爾偷成笑熟視
無言錯喚名愧我閒情如雜

草春風纔到又重生

醉贈

皋橋西去美人家絕世聰明沈蔡華消瘦身材宜倚竹瓊瓏指
爪擅簪花雙聲叫出雌雄鳳兩頰烘成早莫霞我醉欲歸歸未
得任他急雨灑窗紗

天眞閣外集卷六

清故翰林院庶吉士孫君墓志銘

武進李兆洛撰 平湖朱爲弼書并篆蓋

君諱原湘字子瀟又字長真晚又自號心青孫氏宋忠烈公天祐裔也高祖世柱候選州同知自休寧雲溪遷家常熟後縣析爲昭文遂爲昭文人曾祖岐福祖永埏考錦本生考鎬 誥授朝議大夫山西潞安府知府曾祖祖皆贈如其官妣皆贈封恭人君生而穎異方三四歲卽知讀詩口詠指畫若能通曉蓋天賦也成童後嘗從朝議公於官朝議自奉天治中擢潞安守君所歷若山海關醫無閭瀋陽嶺木葉嶺諸勝及黃河太行王屋名山大川風物奇險皆以歌詠發之年方弱冠而一時名宿斂手推矣中式乾隆乙卯 恩科江南鄉試嘉慶乙丑進士改翰林院庶吉士充 武英殿協修官假歸得怔忡疾遂不出歷主

毓文紫琅婁東游文諸講席教誨不倦多所成就士論翕然凡
邑中有水旱振恤之事君必先爲經畫盡善而後行故全漕者
甚衆初李味莊廷敬備兵蘇松主一時詩文壇坫吾友劉芙初
李鹿籽丁道久陸祁生諸君皆往來吳淞煙水之間歲無虛日
歸聚會之頃爲余言昭文孫子瀟者今之詩人也輟前其詩數
章脩閑澹遠有古人之風余雖不善爲詩而知好之頗以不獲
見君爲恨及嘉慶十年與君同舉於禮部相聚都下因以潛觀
君之容貌舉止脫然不與世俗爲類而蘊藉之氣溢於言間蓋
信乎深於詩教者也然君學足以治行教足以澤遠才足以幹
事乃一登第而旋退僅以詩稱也可不惜哉可不惜哉其論詩
之旨以爲一人有一人之性情無性情不可言詩無風韻亦無
詩若徒以格律體裁規模唐宋者則失已之本來面目而真性

情亡矣有真性情然後涵泳於經史百家以爲立言根柢自然獨闢町畦足爲一代正聲自古大家名家何嘗不以學力勝要之必從性情中來也此言出而專主性情以爲詩可無學而能者足關其喙矣以道光九年二月二日卒年七十君所爲詩詞古文駢體文及外集共六十卷名天真閣已刻行於世考贈文林郎妣陳氏封太孺人配席氏封孺人子三人文杓縣學生文樾國子生文楷女二國子生吳來復廩貢生邵淵懿其聲也孫五人曾孫二人文杓等將以道光十一年十一月十七日葬君於常熟鎮江門外豐三塲四十五都四圖下承字號新阡先期請銘銘曰

古之學者爲己今之學者爲人爲人者襍諸外爲己者淑諸身君之不汲汲於仕進而以昌其詩也意在斯乎則此巋然者東

野閭僊之侶方有經過下馬捫碑酌酒於茲者矣